



Sakspapir

Sakshandsamar	Arkiv	ArkivsakID
Kristin Handeland	FE-027, FA-U60	20/170

Saksnr	Utval	Type	Dato
050/20	Formannskapet	PS	04.06.2020
034/20	Kommunestyret	PS	11.06.2020

Fedje Servering AS søknad om skjenkeløyve 2020 til 2024

Vedlegg:

Vedlegg til skjenkesøknad: Eigenerklæring internkontroll
Vedrørende Fedje Servering AS, Hovedgården 38, 5307 ASK
Kunnskapsprøve
Uttale til søknad om skjenkeløyve Fedje servering AS
Kart til søknad om skjenkeløyve, uteservering

Saksutgreiing:

Bakgrunn

Fedje Servering AS har søkt om skjenkeløyve for alkohol i gruppe I, II og III i Bjellands Cafe og for alkoholgruppe I og II for uteområde som kjem fram av kartet som ligg ved søknaden.

Følgjande dokumentasjon er levert:

- Søknad
- Dokumentasjon på serveringsløyve (eller levert inn søknad om serveringsløyve)
- Eigenerklæring der det går fram at søkjar har tilgang til lokala der dei skal drive, eventuelt leigeavtale
- Planteikning over skjenke/serveringsområdet (dette er noko utvida på planteikninga i forhold til eksisterande løyve, truleg ved ein feil)
- Skatteattest for han/ho som søkjer løyve og eigarar som har ein vesentleg eigardel
- Diplom kunnskapsprøve styrar og avløysar
- Firmaattest for han/ho som søkjer løyve og eigarar som har ein vesentleg eigardel
- Dokumentasjon på at styrar og avløysar for styrar er tilsett ved salsstaden, eller eigarar. Begge må vere over 20 år.
- Bruksløyve frå bygningsmyndigheitene
- Eigenerklæring/dokumentasjon internkontroll
- Utskrift av aksjeeigarbok med alle involverte aksjonærar. Eigarforholda må vere stadfesta av revisor dersom det er fleire eigarar
- Uttale frå sosialtenesta (helse- og omsorgssjef)

Me har sendt søknaden til uttale hjå, me har ikkje fått svar frå politiet.

Fedje Servering AS har skjenkeløyve for alkohol gruppe I, II og III i dag, i Bjellands Cafe og for alkoholgruppe I og II på uteplass. Løyvet går ut den 30.09.2020.

Krava for å få kommunalt skjenkeløyve i Fedje kommune er følgjande:

- Alkohollova med forskrift. Dei viktigaste krava for å behandle søknad om løyve er: Det er ikkje lov



Fedje kommune

med sal og skjenking i same lokale (§4-1). Løyvet skal følgje tidsinnskrenkingane i alkohollova (§4-4). Løyve kan gjevast for 4 år om gongen, t.o.m. 30.09 året etter at nytt kommunestyre tilttrer. (§1-6) Kommunen skal innhente uttale frå politi og sosialteneste før avgjerd. (§1-7) Løyvehavar og personar som har vesentleg innverknad på verksemda (eigarar, ektefelle, avløysar mm) skal ha utvist uklanderlegandel i forhold til alkoholavgivinga og bestemmelsar i andre lovar som har samanheng med alkohollovas formål, samt skatte- og avgifts- og rekneskapslovgivinga. (§1-7 b) Det skal vere ein styrar og ein avløysar over 20 år for løyvet, som har bestått kunnskapsprøven (§1-7c)

-Kommunen sin skjønnssutøving, slik det står i alkohollova § 1-7a:

Kommunens skjønnssutøvelse ved behandling av søknad om bevilling for salg eller skjenking m.v. Ved vurderingen av om bevilling bør gis, kan kommunen blant annet legge vekt på antallet salgs- og skjenkesteder, stedets karakter, beliggenhet, målgruppe, trafikk- og ordensmessige forhold, næringspolitiske hensyn og hensynet til lokalmiljøet for øvrig. Det kan også legges vekt på om bevillingssøker og personer som nevnt i § 1-7b første ledd er egnede til å ha bevilling. Kommunen kan beslutte at det ikke skal gis mer enn et bestemt antall bevillinger til salg eller skjenking.

-Alkoholpolitisk plan Fedje kommune (K 033/16). Konkrete punkt her er: Restriktiv tildelingspolitikk og omsyn til omliggjande område (punkt 5.3). Skjenkestadane skal ha fast meny eller à la carte-meny. (Forskrift om sals- skjenke- og opningstider i Fedje kommune punkt 2) Uteservering på nærare avtalt uteareal på skjenkestadane skal vere avslutta kl 22.30. (punkt 3)

Vurdering

Fedje Servering AS fekk i kommunestyresak 13/20 skjenkeløyve for alkohol gruppe I, II og III i Bjellands Cafe. Dei fekk same dato skjenkeløyve for eit avgrensa område ute som kjem fram på kart levert inn frå dei med følgjande retting: Uteområdet for skjenking er mot sør avgrensa av ei linje frå det nordlege hjørnet ved kabelferja, i rett vinkel på hovudbygget. Ute kan ein berre få skjenkeløyve for alkohol i gruppe I og II. Det er ikkje lov med servering av alkohol i gruppe III utomhus.

Klokkesletta det er søkt skjenkeløyve for inne og ute er i samsvar med alkohollova, alkoholforskrifta, og Fedje kommune sin ruspolitiske handlingsplan. Søknaden er i samsvar med det løyve dei har i dag. Alle krav til å få skjenkeløyve er oppfylt, i følgje den dokumentasjonen som er lagt fram.

Det følgjer av Alkohollova § 3-9 og § 4-7 at kvar skjenkestad har eit sjølvstendig ansvar for at løyve vert halde i samsvar med alkohollova sitt føremål.

Korleis skjenkeområdet skulle vere avgrensa, var ein stor diskusjon førre gong det vart gjeve løyve. Planteikninga frå søkjar avviker noko frå eksisterande løyve, men det trur me er ein feil. Han har munnleg sagt at han søker om same område som i dag. Dette er difor spesifisert i vedtaket.

Om kommunestyret sluttar seg til å ta vekk krav om fast meny/à la carte i alkoholpolitisk plan, kan me fjerne kravet frå vedtaket.

Konklusjon

Under føresetnad av at Fedje kommune har motteke uttale frå politiet utan merknader, vil me tilrå at Fedje Servering AS får skjenkeløyve på Bjellands Cafe og på avgrensa uteområde, i tråd med søknad, framlagte vedlegg og noverande løyve (uteområde).

Forslag til vedtak:

Under føresetnad av motteke uttale utan merknadar frå politiet, får Fedje Servering AS skjenkeløyve



Fedje kommune

med følgjande skjenketider:

Måndag – laurdag kl. 08.00 - kl.02.00

Søndag og helligdagar kl. 12.00 - kl 02.00.

Uteservering av alkohol i gruppe I og II må avsluttast seinast kl. 22.30 alle dagar.

Skjenketid for alkoholgruppe III inne er kl. 13.00 - kl.24.00 alle dagar.

Alkohol i gruppe III kan berre serverast innomhus. Løyvet gjeld for Bjellands Cafe. Serveringsområdet ute skal vera det same som på eksisterande løyve.

Uteområde for skjenkeløyvet er likt som i eksisterande løyve. Uteområdet for skjenking er mot sør avgrensa av ei linje frå det nordlege hjørnet ved kabelferja, i rett vinkel på hovudbygget. Det skal vere gjerde, band, tau, blomsterkassar eller anna fysisk innretning som tydeleg markerer kvar skjenkeområdet er. Dette er særleg viktig ved fleire samstundes tilstellingar i bygget, der slik avmerking er naudsynt på grunn av ulike parallelle alkoholregime.

Løyvet gjeld frå 30.09.2020 til og med 30.09.2024.

Styrar for løyvet er Tore Frugård og avløysar er Stian Øvstebø.

Formannskapet - 050/20

F - behandling:

Felles endringsframlegg:

Formannskapet innstiller ikkje i saka, då kommunen ventar på meir informasjon i saka.

F - vedtak:

Formannskapet innstiller ikkje i saka, då kommunen ventar på meir informasjon i saka.

Samrøystes vedteke.

Kommunestyret - 034/20

K - behandling:

Alkoholpolitisk plan sist revidert i K-sak 032/20 har fyljande krav til faste løyve: "Faste løyve skal ha krav om fast meny eller à la carte meny. Bedrifter som driv med produksjon av alkohol og søker skjenkeløyve er friteke for kravet om meny eller à la carte meny. Det er ikkje krav til fast meny eller à la carte meny når ein nyttar ambulerande løyve eller løyve ved enkelthøve."

Fellesframlegg frå H, Frp og Ap .Fedje Servering AS får skjenkeløyve for gruppe I, II og III med følgjande skjenketider:

Måndag – laurdag kl. 08.00 - kl. 02.00

Søndag og helligdagar kl. 12.00 – kl. 02.00.

Skjenketid for alkoholgruppe III er kl. 13.00 - kl.02.00 alle dagar.

Faste løyve skal ha krav om fast meny eller à la carte meny.

Løyvet gjeld frå 12.06.2020 til og med 30.09.2024. Styrar for løyvet er Tore Frugård avløysar er Stian



Fedje kommune

Øvstebø.

K - vedtak:

Fedje Servering AS får skjenkeløyve for gruppe I, II og III med følgende skjenketider:

Måndag – laurdag kl. 08.00 - kl. 02.00

Søndag og helligdager kl. 12.00 – kl. 02.00.

Skjenketid for alkoholgruppe III er kl. 13.00 - kl.02.00 alle dager.

Løyvet gjeld frå 12.06.2020 til og med 30.09.2024. Styrar for løyvet er Tore Frugård avløysar er Stian Øvstebø.

Skjenkestaden skal ha fast meny eller ala carte meny.

Samrøystes vedteke.